

EW NAMOPUNG

Fan asengesin Tetten 1, Kinikin 1, Sapun 5, Itenap 21 me non ewe Pukenapen Annukun Chuuk, ren niwinin monun ewe Legislature, me pwan ren ekkoch popun.

Epwe Pung Me Ren Ewe Legislature-un Chuuk.

Tetten 1. Tetten 1, Kinikin 1, Sapun 5, Itenap 21 me non ewe Pukenapen Annukun Chuuk, iei a akkasiwin ren an epwene iei usun kapasas:

"Tetten 1. Niwinin Senators non ew ier. Niwinin emon Senator-un ewe Legislature epwe angei engon me ruu ngorou chana ew ier, nge ewe Speaker epwe angei ukukun engon me ruwanu ngorou chana ew ier."

Tetten 2. Tetten 2, Kinikin 1, Sapun 5, Itenap 21 me non ewe Pukenapen Annukun Chuuk, iei a ekkesiwin ren an epwene iei usun kapasas:

"Tetten 2. An Senator Allowance. Iei a mumuta kaworen moni seni ewe Monienapen Legislature-un Chuuk iteiten ier ren monien aninnis ren an Senator office expense won ukukun \$5,000 ew ier ngeni emon senator non ewe Legislature."

Tetten 3. Kaworen Moni.

(a) Iei a kawor ukukun \$56,000 seni ewe Monienapen Legislature ren fan asengesin ewe popun mei affat non Tetten 2 me non ei annuk, me pwan ren an epwe sopwei Namopung No. 1-43, ewe monien angangen ewe Legislature.

(b) Ei ukukun moni mei kawor non Tetten 3 epwe einet ika nongeni Speaker, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 3 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.

(c) Ewe Speaker epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982 epwe affataxiw:

(1) nussen porausen nounoun ewe moni fongon me ukukun nussun mei chiwen wor non April 1, 1982;

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och sopusopun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni; pwan


(3) awora anapanapen ukukun moni epwe kawor ren fan asengesin ewe aninnisin Senators non 1983.


Tetten 4. Poputan Pochokunan.

(a) Tetten 1 me non ei Namopung, fansoun an kapunguno me ren Kepina, ika atun an pusin winiti annuk, inamwo ika esemwo kapunguno, epwe poputa pochokunan murin muchunon ewe fansoun wiis ren ewe Aewin Legislature, fan pungun Wokisin 10, Sapun 111, me non ewe Charter-in Muun Chuuk, Public Law No. 7-62, 1977.


(b) Tetten 2 me non ei Namopung epwe poputa pochokunan ika a kapunguno me ren Kepina, ika atun an pusin winiti annuk nge esemwo chiwen kapunguno.

(c) Tetten 3 me non ei annuk epwe poputa pochokunan non October 1, 1981, fansoun an a kapunguno me ren Kepina, ika atun an pusin winiti annuk inamwo ika ese kapunguno.

Sain seni: 
Tadashi C. Wainit, Speaker
Truk Legislature

Annetata: 
Datasi Albert
Legislative Chief Clerk/Secretary
Truk Legislature

Pwinin maram: July 8, 1981

Kapunguno seni: 
Erhart Aten, Governor
Truk State Government

Pwinin maram: August 4, 1981